

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a na prijedlog Ministarstva za privredu, Vlada Zeničko-dobojskog kantona, na 102. sjednici, održanoj 24.10.2025. godine, donosi

ZAKLJUČAK

I.

Prihvata se Informacija o realizaciji Javnog poziva za prikupljanje zahtjeva za odobravanje i dodjelu finansijskih sredstava namijenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 04-11-3700-27/24 od 16.10.2025. godine, koja čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/25
Datum, 24.10.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za privredu,
1x a/a.



INFORMACIJA

**o realizaciji Javnog poziva za prikupljanje zahtjeva za odobravanje i
dodjelu finansijskih sredstava namijenjenih subvencioniranju troškova
organizacije i izgradnje poslovnih zona
na području Zeničko-dobojskog kantona**

1. UVOD

Na osnovu Odluke Vlade Zeničko-dobojskog kantona o usvajanju Programa utroška budžetskih sredstava od koncesija Ministarstva za privredu u 2024. godini, broj: 02-11-2669/24 od 09.02.2024. godine te Zaključka Vlade Zeničko-dobojskog kantona o davanju saglasnosti na Uputstvo o postupku i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 02-11-3700/24 od 23.02.2024. godine, Ministarstvo za privredu objavilo je Javni poziv za prikupljanje zahtjeva za odobravanje i dodjelu finansijskih sredstava namijenjenih subvencioniranju troškova organizacije i izgradnje poslovnih zona na području Zeničko-dobojskog kantona (u daljem tekstu: Javni poziv). Po osnovu Javnog poziva, Vlada Zeničko-dobojskog kantona je subvencionirala dio troškova po osnovu Programa II- Opremanje zemljišta komunalnom infrastrukturom unutar poslovne zone.

Javni poziv je objavljen na web stranici Kantona dana 27.02.2024. godine, a zatvoren dana 20.03.2024. godine.

2. SASTAVNI ELEMENTI JAVNOG POZIVA

2.1.Pravo korištenja finansijskih sredstava po Javnom pozivu

Pravo korištenja poticajnih sredstava imale su jedinice lokalne samouprave Zeničko-dobojskog kantona (u daljem tekstu: JLS) koje realizuju projekte pripreme i izgradnje poslovnih zona, u ukupnom iznosu 100.000,00 KM.

JLS su mogle kandidovati, po ovom Javnom pozivu, samo jedan projekat (samo jedna poslovna zona).

Vlada Zeničko-dobojskog kantona je subvencionirala dio troškova po osnovu:

Programa II- Opremanje zemljišta komunalnom infrastrukturom unutar poslovne zone:

Maksimalni iznos poticaja po ovom Programu je: **100.000,00 KM.**

3. PRILOZI UZ ZAHTJEV

3.1.Uredan zahtjev po Programu II

Zahtjev se podnosio na propisanom obrascu koji je bio u prilogu Javnog poziva (Obrazac br. 1).

Uz zahtjev JLS su dostavljale originale ili ovjerene kopije:

- Odluke Općinskog/Gradskog vijeća o osnivanju poslovne zone,
- Odobrenja za građenje po projektnoj dokumentaciji. Ukoliko za predmetne radove, shodno važećim zakonskim propisima, nije potrebno pribaviti odobrenje za građenje, dostavlja se potvrda/uvjerenje nadležnog organa da za navedene radove nije potrebno odobrenje za građenje,
- Predračun o vrijednosti radova izgradnje komunalne infrastrukture unutar poslovne zone iz Glavnog projekta/faze Projekta zone koji se odnosi na vrijednost radova za

fazu za koju JLS podnosi zahtjev ili potpisan Ugovor o izvođenja radova po Glavnom projektu zone/Faze projekta zone koji se odnosi na vrijednost radova za fazu za koju JLS podnosi zahtjev,

- Dokaz o visini sredstava iz vlastitih i vanjskih izvora (drugi nivoi vlasti) koja moraju biti raspoloživa i osigurana u momentu podnošenja zahtjeva (relevantni ugovori ili odluke o finansiranju, budžet JLS sa odobrenim finansijskim sredstvima na ekonomskom kodu za poslovne zone),
- Pismo namjere JLS (Prilog I),
- Upotrebne dozvole za urađene pojedine Faze izgradnje Zone ili realizovane Ugovore o izvođenju radova na izgradnji zone, ukoliko je JLS već ulagala finansijska sredstva u komunalnu infrastrukturu unutar poslovne zone, koje moraju odgovarati iskazanom stepenu/procentu izgradnje zone u zahtjevu. U suprotnom, stepen/procent izgradnje zone će se utvrditi shodno dostavljenim upotrebnim dozvolama ili realizovanim Ugovorima.

Sve rubrike Zahtjeva (Obrazac br. 1) su morale biti popunjene, a u prilogu su se morali dostaviti svi pobrojani dokumenti (originali ili ovjerene kopije).

Navedeno se nije odnosilo na dokumente pod rednim brojem 6 ukoliko JLS nije ulagala finansijska sredstva u komunalnu infrastrukturu unutar poslovne zone, odnosno, ukoliko je zona tek osnovana Odlukom Vijeća JLS.

Ministarstvo je uvidom u službenu evidenciju i Registar ugovora o koncesiji provjeravalo podatak da li se na području JLS nalazi jedno ili više eksploatacionih polja mineralne sirovine čiji je rad regulisan važećim ugovorom o koncesiji sa Ministarstvom.

4. NAČIN BODOVANJA

Bodovanje pristiglih zahtjeva vršilo se na slijedeći način:

<i>Kriteriji</i>	<i>Maksimalan broj bodova</i>
1. BUDŽET PROJEKTA	50
Jedinica lokalne samouprave (JLS) je za realizaciju projekta osigurala dodatna sredstva iz vlastitih i vanjskih izvora (drugi nivoi vlasti).	
<i>Postotak sufinansiranja u odnosu na vrijednost projekta (10-20)%</i>	20
<i>Postotak sufinansiranja u odnosu na vrijednost projekta (21-30)%</i>	30
<i>Postotak sufinansiranja u odnosu na vrijednost projekta (31-40)%</i>	40
<i>Postotak sufinansiranja u odnosu na vrijednost projekta preko 40%</i>	50
2. STEPEN IZGRADNJE ZONE	40
Veći broj bodova će imati JLS koja ima veći postotak uređenja prostora/površine poslovne zone (uvedenu komunalnu infrastrukturu).	
<i>Stepen izgradnje zone (0-10)%</i>	5
<i>Stepen izgradnje zone (11-20)%</i>	10
<i>Stepen izgradnje zone (21-30)%</i>	20
<i>Stepen izgradnje zone (31-50)%</i>	30
<i>Stepen izgradnje zone preko 50%</i>	40
3. KONCESIONAR(I) MINISTARSTVA	10
Veći broj bodova će se dodijeliti JLS ukoliko se na području JLS nalaze	

Kriteriji	Maksimalan broj bodova
jedan ili više eksploatacionih polja mineralne sirovine čiji je rad regulisan važećim Ugovorom o koncesiji sa Ministarstvom za privredu Zeničko-dobojskog kantona.	
<i>Na području JLS nema eksploatacionog polja</i>	<i>0</i>
<i>Na području JLS se nalazi jedno eksploataciono polje</i>	<i>5</i>
<i>Na području JLS se nalaze dva i više eksploatacionih polja</i>	<i>10</i>
Ukupan broj bodova:	100

Sredstva su se odobravalala JLS prema bodovnoj listi sačinjenoj prema Kriterijima, od najvećeg broja na niže, pa do krajnje raspodjele ukupnog raspoloživog iznosa budžetskih sredstava namjenjenih za ovaj poticaj. U slučaju da su zahtjevi više JLS, nakon ocjenjivanja, ostvarili isti broj bodova, prednost u odobravanju sredstava poticaja su imali zahtjevi JLS koji su se odnosili na izgradnju novoformirane zone u JLS (ne uključujući rekonstrukciju), a ukoliko se i tada desilo da više zahtjeva ima jednak broj bodova, prednost u odobravanju sredstava poticaja su imale JLS koje imaju manji broj poslovnih zona na svom području, a ako se i tada desilo da više zahtjeva JLS ima jednak broj bodova, prednost u odobravanju sredstava poticaja su imali zahtjevi JLS koji su ranije hronološki zaprimljeni.

5. POSTUPANJE SA PRISTIGLIM PRIJAVAMA

5.1. Pristigli zahtjevi i pregled zahtjeva

Rješenjem, broj: 04-11-3700-3/23 od 26.03.2024. godine, ministar Ministarstva za privredu imenovao je Komisiju za ocjenu zahtjeva za odobravanje i dodjelu sredstava poticaja prema Javnom pozivu za prikupljanje zahtjeva za odobravanje i dodjelu finansijskih sredstava namjenjenih subvencioniranju troškova organizacije i izgradnje poslovnih zona na području Zeničko-dobojskog kantona (u daljem tekstu: Komisija).

Komisija je održala sastanak dana 11.04.2024. godine u prostorijama Ministarstva za privredu na kojem je konstatovala da je zaprimljeno sedam (7) prijava JLS u roku utvrđenim Javnim pozivom te pregledala predmetne prijave o čemu je sastavila Zapisnik, broj: 04-11-3700-4/24 i Izvještaj, broj: 04-11-3700-5/24. Navedenim Zapisnikom i Izvještajem konstatovano je da su zahtjevi sedam JLS uredni, zatim da je tačkom 4. Javnog poziva utvrđeno: "Sredstva će se odobravati JLS prema bodovnoj listi sačinjenoj prema Kriterijima, od najvećeg broja na niže, pa do krajnje raspodjele ukupnog raspoloživog iznosa budžetskih sredstava namjenjenih za ovaj poticaj. U slučaju da zahtjevi više JLS, nakon ocjenjivanja, ostvare isti broj bodova, prednost u odobravanju sredstava poticaja imaju zahtjevi JLS koji se odnose na izgradnju novoformirane zone u JLS (ne uključujući rekonstrukciju), a ukoliko se i tada desi da više zahtjeva ima jednak broj bodova, prednost u odobravanju sredstava poticaja imaju JLS koje imaju manji broj poslovnih zona na svom području, a ako se i tada desi da više zahtjeva JLS ima jednak broj bodova, prednost u odobravanju sredstava poticaja imaju zahtjevi JLS koji su ranije hronološki zaprimljeni", a obzirom na činjenicu da je primjenom Kriterija iz Javnog poziva Općina Usora ostvarila 55 bodova i rangirana na sedmom mjestu na listi, dok raspoloživi iznos u Budžetu za ovaj Javni poziv iznosi 650.000,00 KM, Općini Usora se nije mogao odobriti traženi iznos 100.000,00 KM, nego raspoloživi iznos 55.032,03 KM. Komisija je izradila i tekst prijedloga Ugovora o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona.

6. ODLUKA O ODOBRAVANJU FINANSIJSKIH SREDSTAVA

Po Javnom pozivu, na prijedlog Ministarstva za privredu, dana 30.04.2024. godine Vlada Zeničko-dobojskog kantona je usvojila Odluku o odobravanju i dodjeli sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 02-11-8481/24 u ukupnom iznosu **650.000,00 KM** kako slijedi:

R.br.	OPĆINA/GRAD	POSLOVNA ZONA	IZNOS ODOBRENIH SREDSTAVA /KM/
1	Tešanj	Poslovna zona "Bukva-Vila"	100.000,00
2	Doboj Jug	Poslovna zona "Matuzići"	94.967,97
3	Žepče	Poslovna zona "Radovlje"	100.000,00
4	Maglaj	Poslovna zona "Liješnica"	100.000,00
5	Zavidovići	Poslovna zona "Majdanska polja"	100.000,00
6	Olovo	Poslovna zona "Golubište-Pilana"	100.000,00
7	Usora	Poslovna zona "Ularice"	55.032,03
UKUPNO (KM)			650.000,00

U skladu sa tačkom 4. Javnog poziva kojom je utvrđeno: "Sredstva će se odobravati JLS prema bodovnoj listi sačinjenoj prema Kriterijima, od najvećeg broja na niže, pa do krajnje raspodjele ukupnog raspoloživog iznosa budžetskih sredstava namjenjenih za ovaj poticaj. U slučaju da zahtjevi više JLS, nakon ocjenjivanja, ostvare isti broj bodova, prednost u odobravanju sredstava poticaja imaju zahtjevi JLS koji se odnose na izgradnju novoformirane zone u JLS (ne uključujući rekonstrukciju), a ukoliko se i tada desi da više zahtjeva ima jednak broj bodova, prednost u odobravanju sredstava poticaja imaju JLS koje imaju manji broj poslovnih zona na svom području, a ako se i tada desi da više zahtjeva JLS ima jednak broj bodova, prednost u odobravanju sredstava poticaja imaju zahtjevi JLS koji su ranije hronološki zaprimljeni", a obzirom na činjenicu da je primjenom Kriterija iz Javnog poziva Općina Usora ostvarila 55 bodova i rangirana na sedmom mjestu na listi, a raspoloživi iznos u Budžetu za ovaj Javni poziv iznosi 650.000,00 KM, Općini Usora se nije moglo odobriti 100.000,00 KM nego raspoloživi iznos koji je iznosio 55.032,03 KM.

7. OBAVEZE JLS PO OSNOVU UGOVORA

Dana 04.06.2024. godine, sa sedam (7) JLS potpisani su Ugovori o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona (u daljem tekstu: Ugovori).

Članom 3. Ugovora regulisane su obaveze JLS i to:

- realizacija Projekta u skladu sa dostavljenom prijavom na Javni poziv,

- pribavljanje tehničke dokumentacije, potrebnih saglasnosti i odobrenja, te provođenje nadzora pri realizaciji Projekta,
- priprema i provođenje postupka javne nabavke u svim fazama realizacije Projekta u skladu s zakonom,
- izvještavanje Ministarstva o poteškoćama za realizaciju Projekta,
- imenovanje koordinatora za provođenje aktivnosti koje su predmet ovog Ugovora i dostavljanje pisanog akta Ministarstvu o istom, u roku od 15 dana, računajući od dana zaključenja ovog Ugovora,
- dostavljanje Izvještaja o realizaciji Projekta sa pratećom dokumentacijom nakon završetka Projekta,
- povrat neutrošenih finansijskih sredstava kao i nenamjenski utrošenih sredstava u roku kojeg odredi Ministarstvo,
- čuvanje dokumentacije nastale pri realizaciji Projekta u skladu sa zakonskim propisima.

Članom 4. Ugovora regulisano je da će Ministarstvo, nakon zaključenja Ugovora sa JLS, sačiniti nalog za isplatu odobrenih finansijskih sredstava i uputiti isti Ministarstvu finansija, a da će, nakon završetka Projekta, JLS dostaviti Ministarstvu Izvještaj o realizaciji Projekta. U prilogu Izvještaja o realizaciji Projekta JLS je morala dostaviti: dokumentaciju o provedenoj javnoj nabavci (obavještenje o pokretanju javne nabavke i odluku o izboru najpovoljnijeg ponuđača), ugovor sa izvođačem i nadzorom radova, fakture o izvršenom poslu, dokaze o izvršenim uplatama (uplatnice i izvod iz banke) kojima se dokazuje utrošak i namjena isplaćenih finansijskih sredstava iz člana 2. ovog Ugovora kao i utrošak finansijskih sredstava iz vlastitih i vanjskih izvora (drugi nivoi vlasti) u skladu sa dostavljenom prijavom na Javni poziv (za radove i izradu table), ukoliko je pribavljena upotrebna dozvola definisana Projektom i postignute rezultate Projekta. Stavovima (3) i (4) istog člana regulisano je da je rok za realizaciju Projekta bio do 30.06.2025. godine, te da će Ministarstvo, u slučaju da JLS nije realizovala Projekat do 30.06.2025. godine, odnosno do isteka produženog roka, pokrenuti postupak povrata nerealizovanih i/ili nenamjenski realizovanih finansijskih sredstava.

Članom 5. Ugovora regulisano je da, ukoliko zbog opravdanih razloga JLS nije u mogućnosti ispoštovati rok za realizaciju Projekta, dužna je o tome pismeno obavijestiti Ministarstvo najkasnije 10 (deset) dana prije 30.06.2025. godine i zatražiti produženje roka. Ukoliko Ministarstvo ocijeni da su razlozi koje je JLS obrazložila opravdani (neuspjeli pokušaji javnih nabavki, kašnjenje u realizaciji na koje JLS nije mogla uticati, itd.), pismeno će odobriti produženje roka, ali najduže do 3 (tri) mjeseca računajući od 30.06.2025. godine.

8. IZVJEŠTAJI JLS O UTROŠKU ODOBRENIH FINANSIJSKIH SREDSTAVA

8.1 OPĆINA TEŠANJ

Po osnovu Odluke o odobravanju i dodjeli sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 02-11-8481/24 od 30.04.2024. godine i Ugovora o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-8/24 od 04.06.2024. godine (u daljem tekstu. Ugovor), Općini Tešanj za Projekat-„Sanacija lokalne ceste LC-17 dionica, Madi d.o.o.-Hifa d.o.o., Općina Tešanj“ isplaćen je iznos **100.000,00 KM** po osnovu Programa II.

Dana 02.12.2024. godine Ministarstvo je zaprimilo akt-„Realizacija obaveza po Ugovoru broj: 04-11-3700-8/24 od 04.06.2024.g.“, broj: 04-11-3700-8/24 (04-11-1-677-6/24) od 22.11.2024. godine od Općine Tešanj.

Dana 12.12.2024. godine Komisija je održala sastanak u prostorijama Ministarstva za privredu Zeničko-dobojskog kantona na kojem je razmotrila zaprimljeni akt o čemu je sastavljen Zapisnik, broj: 04-11-3700-8/24 i Izvještaj, broj: 04-11-3700-9/24. U aktu Općine Tešanj navedeno je da je okončala Projekat, da su se stekli uslovi za dostavu Izvještaja o realizaciji Projekta i da je za realizaciju Projekta ukupno utrošeno **210.388,82 KM**.

Komisija je pregledom dostavljene dokumentacije utvrdila da je Općina Tešanj postupila u skladu sa članom 4. stav (2) zaključenog Ugovora te na taj način ispunila svoju obavezu pravljanja utroška isplaćenih poticajnih sredstava u ukupnom iznosu **100.000,00 KM** za realizaciju Projekta-„Sanacija lokalne ceste LC-17 dionica, Madi d.o.o.-Hifa d.o.o., Općina Tešanj“.

U prilogu Izvještaja Općina Tešanj je dostavila slijedeće dokumente:

- Odluku o pokretanju postupka javne nabavke, broj: 02-11-3-1624-2/24 od 10.05.2024. godine,
- Zapisnik o zaprimanju ponuda, broj: 08-11-3-1624-7/24 od 01.07.2024. godine,
- Zapisnik o otvaranju ponuda, broj: 08-11-3-1624-8/24 od 01.07.2024. godine,
- Zapisnik o pregledu i ocjeni ponuda, broj: 08-11-3-1624-9/24 od 03.07.2024. godine,
- Odluku o izboru najpovoljnijeg ponuđača, broj: 02-11-3-1624-10/24 od 04.07.2024. godine,
- Ugovor o izvođenju radova, broj: 02-11-3-3194-12/23 od 17.11.2023. godine sa GEO-PUT d.o.o. Maglaj u vrijednosti 210.389,40 KM sa PDV-om,
- Ugovor o izvršenju usluga, broj: 02-11-3-1543-15/24 od 10.07.2023. godine sa INPROS d.o.o. u vrijednosti 1.500.000,00 KM sa PDV-om,
- Zapisnik o primopredaji izvedenih radova, broj: 03-45-1-1321/24 od 27.09.2024. godine,
- Fotografije radova,
- Građevinski dnevnik i građevinsku knjigu,
- Okončanu situaciju, broj: 87/24 od 30.09.2024. godine i fiskalni račun, broj: 2047 od 07.10.2024. godine u vrijednosti 210.388,82 KM sa PDV-om,
- Uplatnicu od 16.10.2024. godine u iznosu 210.388,82 KM,
- Izvod, broj: 219 od 16.10.2024. godine za iznos 210.388,82 KM.

Uvidom u dokumentaciju koju je Općina Tešanj dostavila uz prijavu na Javni poziv te dokumentaciju koju je dostavila uz Izvještaj, evidentno je da je Općina Tešanj realizovala svoj Projekat u potpunosti i da su planirani rezultati Projekta u potpunosti ostvareni:

- Izvršena sanacija dijela ceste,
- Poboľjšano odvijanje saobraćaja na cesti.

8.2 OPĆINA DOBOJ JUG

Po osnovu Odluke o odobravanju i dodjeli sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 02-11-8481/24 od 30.04.2024. godine i Ugovora o regulisanju međusobnih obaveza i načina realizacije odobrenih sredstava za organizaciju i izgradnju

poslovnih zona na području Zeničko-dobojskog kantona, broj: 04-11-3700-9/24 od 04.06.2024. godine, Općini Doboj Jug za Projekat-„Rekonstrukcija puta u Poslovnoj zoni Matuzići“ isplaćen je iznos **94.967,97 KM** po osnovu Programa II.

Dana 30.06.2025. godine, Ministarstvo za privredu Zeničko-dobojskog kantona zaprimilo je akt-„Izveštaj o realizaciji projekta po ugovoru broj 02-11-469-12/24“, broj: 04-11-469-12/24 (02-11-469-15/24) od Općine Doboj Jug.

Dana 16.07.2025. godine Komisija je održala sastanak u prostorijama Ministarstva za privredu Zeničko-dobojskog kantona na kojem je razmotrila zaprimljeni akt o čemu je sačinjen Zapisnik, broj: 04-11-3700-21/24 i Izveštaj, broj: 04-11-3700-22/24. U aktu Općine Doboj Jug navedeno je da je izvršena rekonstrukcija puta te da je za realizaciju Projekta ukupno utrošeno **94.967,97 KM**.

U prilogu Izveštaja Općina Doboj Jug dostavila je slijedeće dokumente:

- Odluku o izboru najpovoljnijeg ponuđača, broj: 02-04-1392-23/24 od 13.02.2025. godine,
- Odluku o izboru ponuđača, broj: 02-04-1392-33/24 od 17.03.2025. godine,
- Ugovor o izvođenju radova „Rekonstrukcija puta u Poslovnoj zoni Matuzići“, broj: 02-04-1392-28/24 od 13.03.2025. godine sa „DOBOJPUTEVI“ d.d. Doboj Jug u vrijednosti 332.748,00 KM sa PDV-om,
- Ugovor o pružanju usluga nadzora radova „Rekonstrukcija lokalnog puta i trotoara u Poslovnoj zoni Matuzići“, broj: 02-04-1392-34/24 od 17.03.2025. godine u vrijednosti 2.844,00 KM,
- Izvod, broj: 111 i uplatnicu od 05.06.2025. godine u vrijednosti 16.866,35 KM,
- Fiskalni račun u vrijednosti 88.023,42 KM od 30.05.2025. godine,
- I privremenu situaciju, broj: 01/1-851-42/2025 od 30.04.2025. godine u vrijednosti 78.101,62 KM sa PDV-om,
- Uplatnicu od 05.06.2025. godine u vrijednosti 78.101,62 KM,
- Fiskalni račun, broj: 3563 od 08.05.2025. godine,
- Varijacioni nalog br. 1,
- II privremenu situaciju, broj: 01/1-1131-52/2025 od 30.05.2025. godine u vrijednosti 88.023,65 KM sa PDV-om,
- Uplatnicu od 05.06.2025. godine u vrijednosti 16.866,35 KM,
- Fiskalni račun, broj: 3579 od 30.05.2025. godine.

Uvidom u dokumentaciju koju je Općina Doboj Jug dostavila uz prijavu na Javni poziv te dokumentaciju koju je dostavila uz Izveštaj, evidentno je da je realizovala svoj Projekat i da su planirani rezultati Projekta u potpunosti realizovani:

- Unapređena putna infrastruktura,
- Ubrzan promet roba i kretanja kroz Poslovnu zonu,
- Unapređena i atraktivna Poslovna zona za postojeće i nove investitore.

8.3 OPĆINA ŽEPČE

Po osnovu Odluke o odobravanju i dodjeli sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 02-11-8481/24 od 30.04.2024. godine i Ugovora o regulisanju međusobnih obaveza i načina realizacije odobrenih sredstava za organizaciju i izgradnju

poslovnih zona na području Zeničko-dobojskog kantona, broj: 04-11-3700-10/24 od 04.06.2024. godine, Općini Žepče za Projekat-„Infrastruktura za Poslovnu zonu Radovlje u Žepču (Faza VI)” isplaćen je iznos **100.000,00 KM** po osnovu Programa II.

Dana 10.12.2024. godine, Ministarstvo za privredu Zeničko-dobojskog kantona zaprimilo je akt-„Izveštaj o utrošku sredstava iz Ugovora broj: 04-11-3700-10/24“, broj: 04-11-3700-10-9/24 (01/1-04-708-12/24) od 05.12.2024. godine od Općine Žepče.

Dana 13.12.2024. godine Komisija je održala sastanak u prostorijama Ministarstva za privredu Zeničko-dobojskog kantona na kojem je razmotrila zaprimljeni akt o čemu je sastavljen Zapisnik, broj: 04-11-3700-10/24 i Izveštaj, broj: 04-11-3700-11/24. U aktu Općine Žepče navedeno je da su izvedeni svi predviđeni radovi, da je okončan Projekat i da je za njegovu realizaciju ukupno utrošeno **100.000,00 KM**.

Komisija je pregledom dostavljene dokumentacije utvrdila da je Općina Žepče postupila u skladu sa članom 4. stav (2) zaključenog Ugovora te na taj način ispunila svoju obavezu pravdanja utroška isplaćenih poticajnih sredstava u ukupnom iznosu 100.000,00 KM za realizaciju Projekta-„Infrastruktura za Poslovnu zonu Radovlje u Žepču (Faza VI)“.

U prilogu Izveštaja Općina Žepče dostavila je slijedeće dokumente:

- Narudžbenicu i Izjavu, broj: 126/2024 od 11.06.2024. godine,
- Obavijest o nabavi, broj: 107-1-3-14-3-32/24 od 11.06.2024. godine,
- Odluku o izboru najpovoljnijeg ponuditelja, broj: 01/1-04-708-8/24 od 09.07.2024. godine,
- Ugovor o izvođenju radova sa KOMGRAD-ZE d.o.o. Zenica u vrijednosti 215.530,35 KM sa PDV-om,
- Ugovor o stručno-tehničkom nadzoru sa PLATO d.o.o. Žepče,
- Fakturu, broj: S22-144/24-S22 sa fiskalnim računom, broj: 8388 od 28.11.2024. godine u vrijednosti 136.927,38 KM sa PDV-om,
- Okončanu situaciju, broj: S22----/24-S22 u vrijednosti 136.927,38 KM sa PDV-om,
- Izvod, broj: 248 i uplatnicu od 04.12.2024. godine za iznos 100.000,00 KM.

Uvidom u dokumentaciju koju je Općina Žepče dostavila uz prijavu na Javni poziv te dokumentaciju koju je dostavila uz Izveštaj, evidentno je da je Općina Žepče realizovala svoj Projekat u potpunosti i da su planirani rezultati Projekta u potpunosti ostvareni:

- Osigurani uvjeti za postojeće i nove investitore u Poslovnoj zoni,
- Poboľšan imidž Općine Žepče kao konkurentno razvijene poslovne sredine za privlačenje stranih i domaćih ulagača,
- Stvorene pogodnosti poduzetnicima i investitorima za brže pokretanje proizvodnje.

8.4 OPĆINA MAGLAJ

Po osnovu Odluke o odobravanju i dodjeli sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 02-11-8481/24 od 30.04.2024. godine i Ugovora o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-11/24 od 04.06.2024. godine, Općini Maglaj za Projekat-„Izgradnja primarne servisne saobraćajnice u

Poslovnoj zoni Liješnica u Maglaju-nastavak izgradnje“ isplaćen je iznos **100.000,00 KM** po osnovu Programa II.

Dana 19.06.2024. godine, Ministarstvo za privredu Zeničko-dobojskog kantona zaprimilo je akt-„Tehnički i finansijski izvještaj o provedbi projekta“, broj: 04-11-8481-3/24 (04-45-1-384-3/24) od 13.06.2025. godine od Općine Maglaj.

Dana 16.07.2024. godine Komisija je održala sastanak u prostorijama Ministarstva za privredu Zeničko-dobojskog kantona na kojem je razmotrila zaprimljeni akt o čemu je sačinjen Zapisnik, broj: 04-11-3700-19/24 i Izvještaj, broj: 04-11-3700-20/24. U aktu Općine Maglaj navedeno je da je realizovala izgradnju primarne servisne saobraćajnice za koju su joj odobrena sredstva, izvršila primopredaju radova i plaćanje izvođaču te da je za realizaciju Projekta ukupno utrošeno **107.044,57 KM**.

U prilogu Izvještaja Općina Maglaj je dostavila slijedeće dokumente:

- Izvještaj o toku i završetku e-aukcije od 17.02.2025. godine,
- Izjavu nadzornog inženjera, broj: I-05-04-20-2949-50/24 od 14.05.2025. godine,
- I privremenu situaciju za izvođenje radova, broj: 38/25 od 23.04.2025. godine u iznosu 143.621,05 KM sa PDV-om,
- Okončanu situaciju za izvođenje radova, broj: 41/25 od 13.05.2025. godine u iznosu 106.758,95 KM sa PDV-om,
- Uplatnicu od 16.05.2025. godine u iznosu 100.000,00 KM,
- Uplatnicu od 16.05.2025. godine u iznosu 6.758,95 KM,
- Izvod, broj: 94 od 16.05.2025. godine,
- Račun, broj: 020-25 od 14.05.2025. godine u vrijednosti 492,73 KM,
- Račun, broj: 019-25 od 14.05.2025. godine u vrijednosti 285,62 KM,
- Uplatnicu od 16.05.2025. godine u iznosu 285,62 KM,
- Ugovor o izgradnji primarne servisne saobraćajnice a-b-c u Poslovnoj zoni Liješnica-nastavak radova, broj: 05-04-20-4666-6/24 od 18.02.2025. godine sa HAJDIĆ d.o.o. Maglaj u vrijednosti 250.380,00 KM sa PDV-om,
- Fotografije.

Uvidom u dokumentaciju koju je Općina Maglaj dostavila uz prijavu na Javni poziv te dokumentaciju koju je dostavila uz Izvještaj, evidentno je da je realizovala svoj Projekat i da su planirani rezultati Projekta u potpunosti realizovani:

- Izgrađen dio primarne saobraćajnice i ulaza u Poslovnu zonu,
- Unapređena i atraktivna Poslovna zona za postojeće i nove investitore.

8.5 GRAD ZAVIDOVIĆI

Po osnovu Odluke o odobravanju i dodjeli sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 02-11-8481/24 od 30.04.2024. godine i Ugovora o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-12/24 od 04.06.2024. godine, Gradu Zavidovići za Projekat-„Sanacija dijela ulice Radnička u Poslovnoj zoni Majdanska polja“ isplaćen je iznos **100.000,00 KM** po osnovu Programa II.

Dana 21.01.2025. godine Ministarstvo za privredu Zeničko-dobojskog kantona zaprimilo je akt-„Završni Izvještaj o realizaciji projekta“, broj: 04-11-3700-10/24 (02-11-601/24-AP-03) od 15.01.2025. godine i akt-„Zahtjev za davanje saglasnosti“, broj: 04-11-8481-2/24 od 16.01.2025. godine od Grada Zavidovići. U predmetnom aktu navedeno je da je Grad dostavio Izvještaj o utrošku sredstava prilikom čega su ostala neutrošena sredstva u iznosu **4.839,41 KM** te traži saglasnost da se utroše za izgradnju info panela sa popisom svih poslovnih subjekata koji posluju u Poslovnoj zoni „Majdanska polja“ pa će dokumentaciju o tom utrošku dostaviti do 30.06.2025. godine kako je to utvrđeno članom 4. stav (3) Ugovora.

Dana 27.01.2025. godine Komisija je održala sastanak u prostorijama Ministarstva za privredu Zeničko-dobojskog kantona na kojem je razmotrila zaprimljeni akt o čemu je sastavljen Zapisnik, broj: 04-11-3700-12/24 i Izvještaj, broj: 04-11-3700-13/24. U aktu Grada Zavidovići navedeno je da je realizovao sanaciju dijela ulice za koju su joj odobrena sredstva i da je za realizaciju Projekta utrošeno ukupno **95.160,59 KM** od isplaćenih **100.000,00 KM** te traži saglasnost da ostala neutrošena sredstva utroši za izgradnju info panela sa popisom svih poslovnih subjekata koji posluju u Poslovnoj zoni „Majdanska polja“. Za realizaciju Projekta je Grad utrošio ukupno **165.160,59 KM**.

U prilogu Izvještaja Grad Zavidovići je dostavio slijedeće dokumente:

- Zahtjev za realizaciju javne nabavke, broj: 03-11-1475/24 od 11.07.2024. godine,
- Odluku, broj: 02-11-1520/24-AP-11 od 22.08.2024. godine,
- Izvještaj o toku i završetku e-aukcije od 12.08.2024. godine,
- Ugovor o izvođenju radova na sanaciji ulice Radnička u Poslovnoj zoni „Majdanska polja“, lokalne ceste Zavidovići-Dolina-Globarica sa GTPD „POROBIĆ“ d.o.o. Zavidovići u vrijednosti 165.351,30 KM sa PDV-om,
- Ugovor vršenje dnevnog stručnog nadzora nad izvođenjem radova na području Grada Zavidovići u toku 2024. godine sa Project manager „AT&ŠE“ d.o.o. Šije u vrijednosti 466,38 KM,
- Izjavu izvođača o završenim radovima, broj: 24-12-02/24 od 24.12.2024. godine,
- Izjavu nadzornog inženjera, broj: 9789-I/24 od 24.12.2024. godine,
- Okončanu situaciju, broj: 82/24 od 27.12.2024. godine u vrijednosti 165.160,59 KM sa PDV-om,
- Izvod, broj: 6 od 14.01.2025. godine za iznose 95.160,59 KM i 70.000,00 KM,
- Fotografije.

Dana 27.01.2025. godine Ministarstvo je poslalo akt-„Odgovor“, broj: 04-11-3700-12-1/24 od 27.01.2025. godine Gradu Zavidovići kojim je dalo saglasnost za utrošak iznosa **4.839,41 KM** za izgradnju info panela sa popisom svih poslovnih subjekata koji posluju u Poslovnoj zoni „Majdanska polja“.

Dana 27.06.2025. godine Ministarstvo za privredu Zeničko-dobojskog kantona zaprimilo je akt-„Završni izvještaj o realizaciji projekta“, broj: 04-11 (02-11-601/24-AP-04) od 25.06.2025. godine od Grada Zavidovići. U predmetnom aktu navedeno je da je Grad dostavio Izvještaj sa dokazima za iznos **165.160,59 KM**, te da dostavlja dokaze o utrošku **3.931,00 KM**, dok za neutrošeni iznos **908,41 KM** traži instrukcije za povrat.

Dana 16.07.2025. godine Komisija je održala sastanak u prostorijama Ministarstva za privredu Zeničko-dobojskog kantona na kojem je razmotrila zaprimljeni akt o čemu je sastavljen Zapisnik, broj: 04-11-3700-17/24 i Izvještaj, broj: 04-11-3700-18/24.

Grad Zavidovići je u prilogu Završnog izvještaja dostavio slijedeće priloge:

- Zahtjev za realizaciju javne nabavke, broj: 03-11-1096/25 od 13.05.2025. godine,
- Ugovor o izradi, nabavci i postavljanju info-panela u Poslovnoj zoni „Majdanska polja“ sa OR „Musa“, Zavidovići u vrijednosti 3.931,00 KM sa PDV-om,
- Izvještaj o prijemu radova na postavljanju info-panela, broj: 03-1096/25 od 23.06.2025. godine,
- Fakturu, broj: 116/2025 sa fiskalnim računom, broj: 1326 od 18.06.2025. godine sa fiskalnim računom u vrijednosti 3.931,00 KM sa PDV-om,
- Uplatnicu od 25.06.2025. godine u vrijednosti 3.931,00 KM,
- Izvod, broj: 78 od 25.06.2025. godine,
- Fotografije info panela.

Shodno dostavljenim dokumentima, Komisija je konstatovala u Zapisniku i Izvještaju da je Grad Zavidovići, pored utrošenih **95.160,59 KM**, utrošio i **3.931,00 KM** što ukupno iznosi **99.091,59 KM** od 100.000,00 KM koji su isplaćeni u skladu sa potpisanim Ugovorom, odnosno ukupno za Projekat iznos **169.091,59 KM**. U pogledu neutrošenog iznosa **908,41 KM**, Gradu Zavidovići je dana 02.07.2025. godine poslan akt-„Instrukcije za povrat neutrošenih finansijskih sredstava“, broj: 04-11-3700-17-1/24 od 02.07.2025. godine. Ministarstvo je zaprimilo obavijest od Ministarstva finansija o povratu iznosa 908,41 KM dana 15.07.2025. godine.

Uvidom u dokumentaciju koju je Grad Zavidovići dostavio uz prijavu na Javni poziv te dokumentaciju koju je dostavio uz Izvještaj, evidentno je da je realizovao svoj Projekat i da su planirani rezultati Projekta u potpunosti realizovani:

- Izvršena sanacija dijela ulice,
- Postavljena info panel tabla sa popisom svih poslovnih subjekata koji posluju u Poslovnoj zoni „Majdanska polja,
- Unapređena Poslovna zona za postojeće i nove investitore.

8.6 OPĆINA OLOVO

Po osnovu Odluke o odobravanju i dodjeli sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 02-11-8481/24 od 30.04.2024. godine i Ugovora o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-13/24 od 04.06.2024. godine, Općini Olovo za Projekat-„Izgradnja putne infrastrukture i hidroinstalacija u Poslovnoj zoni Golubište-Pilana- Faza III” isplaćen je iznos **100.000,00 KM** po osnovu Programa II.

Dana 20.05.2025. godine, Ministarstvo za privredu Zeničko-dobojskog kantona zaprimilo je akt-„Zahtjev za produženje roka za realizaciju ugovorenih obaveza“, broj: 04-11-3700-13-13/24 (02-11-1-287-4/25) od 16.05.2025. godine od Općine Olovo.

Dana 10.06.2025. godine Komisija je održala sastanak u prostorijama Ministarstva za privredu Zeničko-dobojskog kantona na kojem je razmotrila zaprimljeni akt o čemu je sastavljen Zapisnik, broj: 04-11-3700-15/24 i Izvještaj, broj: 04-11-3700-16/24. U predmetnom aktu navedeno je da je Općina Olovo sa Ministarstvom potpisala Ugovor o regulisanju međusobnih obaveza i načina realizacije odobrenih sredstava za organizaciju i

izgradnju poslovnih zona na području Zeničko-dobojskog kantona, broj: 04-11-3700-13/24 kojim su regulisana međusobna prava i obaveze te način realizacije odobrenih sredstava u iznosu 100.000,00 KM za organizaciju i izgradnju Poslovne zone „Golubište-Pilana“, a obuhvata „Izgradnju putne infrastrukture i hidroinstalacija u Poslovnoj zoni Golubište-Pilana-Faza III“, sa rokom za realizaciju i dostavu Izvještaja do 30.06.2025. godine. Za realizaciju Projekta, Općina je obezbjedila dodatna sredstva od Fonda za zaštitu okoliša FBiH sa kojim je zaključen ugovor dana 21.01.2025. godine, kao i od Federalnog ministarstva razvoja, poduzetništva i obrta sa kojim je najavljeno zaključenje ugovora dana 21.05.2025. godine. Zbog obezbjeđenja dodatnih sredstava i trajanja postupka javne nabavke, Općina traži od Ministarstva produženje roka za realizaciju aktivnosti preuzetih ugovorom.

Članom 4. stav (3) Ugovora propisano je da je rok za realizaciju Projekta i dostavu Izvještaja 30.06.2025. godine.

Članom 5. Ugovora propisano je da, ukoliko zbog opravdanih razloga Općina nije u mogućnosti ispoštovati rok za realizaciju Projekta iz člana 4. stav (3) Ugovora, dužna je o tome pismeno obavijestiti Ministarstvo najkasnije 10 (deset) dana prije isteka roka iz člana 4. stav (3) Ugovora i zatražiti produženje roka. Ukoliko Ministarstvo ocijeni da su razlozi koje je Općina obrazložila opravdani (neuspjeli pokušaji javnih nabavki, kašnjenje u realizaciji na koje grad nije mogao uticati, itd.), pismeno će odobriti produženje roka, ali najduže do 3 (tri) mjeseca računajući od isteka roka iz člana 4. stav (3) Ugovora.

Komisija je na održanom sastanku razmotrila slijedeće:

- dana 20.05.2025. godine Općina Olovo je pismeno obavijestila Ministarstvo da neće moći realizovati Projekat u skladu sa članom 5. stav (1) Ugovora,
- u predmetnom aktu Općina je obrazložila razlog zbog kojeg neće moći realizovati Projekat do 30.06.2025. godine (nisu raspoloživa dodatna finansijska sredstva i trajanje postupka javnih nabavki),
- članom 5. stav (2) Ugovora regulisano je da se rok može produžiti najduže do 3 (tri) mjeseca računajući od isteka roka iz člana 4. stav (3) Ugovora odnosno najduže do 30.09.2025. godine.

Obzirom da je Općina Olovo dana 20.05.2025. godine pismeno obavijestila Ministarstvo da neće moći realizovati Projekat u skladu sa članom 5. stav (1) Ugovora te na činjenicu da je obrazložila razloge zbog kojeg neće moći realizovati Projekat do 30.06.2025. godine koji je Komisija ocijenila opravdanim, Komisija je u Zapisniku i Izvještaju predložila ministru Ministarstva za privredu Zeničko-dobojskog kantona potpisivanje Anexa na Ugovor o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-13/24 od 04.06.2024. godine, broj: 04-11-3700-13-1/24 od 10.06.2025. godine sa Općinom Olovo kojim će se rok za realizaciju Projekta izmjeniti na 30.09.2025. godine.

Obzirom da je ministar Ministarstva za privredu Zeničko-dobojskog kantona prihvatio Zapisnik i Izvještaj Komisije, dana 10.06.2025. godine potpisan je Anex na Ugovor o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-13/24 od 04.06.2024. godine, broj: 04-11-3700-13-1/24 od 10.06.2025. godine između Ministarstva za privredu Zeničko-dobojskog kantona i Općine Olovo kojim je izmjenjen rok za realizaciju Projekta i glasi „do 30.09.2025. godine“.

Dana 02.10.2025. godine, Ministarstvo za privredu Zeničko-dobojskog kantona zaprimilo je akt-„Zahtjev za produženje roka za realizaciju ugovorenih obaveza“, broj: 04-11-3700-13-19/24 (02-11-287-5/25) od 29.09.2025. godine od Općine Olovo.

Dana 14.10.2025. godine Komisija je razmotrila zaprimljeni akt o čemu je sastavljen Zapisnik, broj: 04-11-3700-23/24 i Izvještaj, broj: 04-11-3700-24/24. U predmetnom aktu navedeno je da su Općini Olovo odobrena sredstva u iznosu 100.000,00 KM po osnovu Ugovora o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-13/24 od 04.06.2024. godine za realizaciju Projekta “Izgradnja putne infrastrukture i hidroinstalacija u Poslovnoj zoni Golubište-Pilana- Faza III”, da je rok za realizaciju Projekta bio 30.06.2025. godine, ali da je Općina podnijela zahtjev za produženje roka te je isti odobren i produžen Aneksom Ugovora, broj: 04-11-3700-13-1/24 od 10.06.2025. godine, do 30.09.2025. godine. U aktu je navedeno da je Općina objavila Obavještenje o javnoj nabavci za predmetni Projekat dana 14.05.2025. godine, po okončanju postupka donijela Odluku o izboru najpovoljnijeg ponuđača dana 03.07.2025. godine, ali da je zaprimila dvije žalbe koje je dana 18.07.2025. godine dostavila Uredu za razmatranje žalbi te da do dana slanja ovog akta Ured nije odlučio u predmetu. Zbog navedenog, Općina traži produženje roka za realizaciju Projekta. Članom 4. stav (3) Ugovora propisano je da je rok za realizaciju Projekta i dostavu Izvještaja 30.06.2025. godine. Članom 5. Ugovora propisano je da, ukoliko zbog opravdanih razloga Općina nije u mogućnosti ispoštovati rok za realizaciju Projekta iz člana 4. stav (3) Ugovora, dužna je o tome pismeno obavijestiti Ministarstvo najkasnije 10 (deset) dana prije isteka roka iz člana 4. stav (3) Ugovora i zatražiti produženje roka. Ukoliko Ministarstvo ocijeni da su razlozi koje je Općina obrazložila opravdani (neuspjeli pokušaji javnih nabavki, kašnjenje u realizaciji na koje općina nije mogla uticati, itd.), pismeno će odobriti produženje roka, ali najduže 3 (tri) mjeseca računajući od isteka roka iz člana 4. stav (3) Ugovora.

Na osnovu akta-“Zahtjev za produženje roka za realizaciju ugovorenih obaveza“, broj: 04-11-3700-13-13/24 (02-11-1-287-4/25) od 16.05.2025. godine od Općine Olovo, potpisan je Anex na Ugovor o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-13-1/24 od 10.06.2025. godine, kojim je rok za realizaciju Projekta produžen za 3 mjeseca odnosno do 30.09.2025. godine.

Komisija je na održanom sastanku razmotrila zaprimljeni akt od Općine Olovo te uvidom u odredbe potpisanog Ugovora i Anexa na Ugovor, utvrdila da je Općini Olovo produžen rok za realizaciju Projekta sukladno članu 5. stav (1) Ugovora do 30.09.2025. godine te da odredbe Ugovora ne regulišu dodatno produženje roka za realizaciju Projekta.

Članom 125. stav (2) i (3) Zakona o obligacionim odnosima („Službeni list SFRJ“, broj: 29/1978, 39/1985, 45/1989 - odluka USJ i 57/1989, "Službeni list RBiH", broj: 2/1992, 13/1993 i 13/1994 i "Službene novine FBiH", broj: 29/2003 i 42/2011) propisano je da povjerilac može održati ugovor na snazi ako po isteku roka, bez odlaganja, obavijesti dužnika da zahtijeva ispunjenje ugovora, a ako je povjerilac zahtijevao ispunjenje, pa ga nije dobio u razumnom roku, može izjaviti da raskida ugovor.

Shodno članu 125. stav (2) i (3) Zakona o obligacionim odnosima, Komisija je predložila ministru Ministarstva za privredu Zeničko-dobojskog kantona slanje akta-„Zahtjev za ispunjenje ugovora“, broj: 04-11-3700-13-2/24 Općini Olovo kojim se zahtijeva ispunjenje ugovora od Općine Olovo odnosno dostava Izvještaja o realizaciji Projekta sukladno članu 4. stav (2) Ugovora najkasnije do 31.05.2026. godine. U suprotnom, Ministarstvo će Općini dostaviti izjavu o raskidu Ugovora i postupiti sukladno članu 4. stav (4) Ugovora odnosno pokrenuti postupak povrata nerealizovanih i/ili nenamjenski realizovanih finansijskih sredstava.

8.7 OPĆINA USORA

Po osnovu Odluke o odobravanju i dodjeli sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 02-11-8481/24 od 30.04.2024. godine i Ugovora o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-13/24 od 04.06.2024. godine (u daljem tekstu: Ugovor), Općini Usora za Projekat „Izgradnja, modernizacija i asfaltiranje propusta na potoku Alibegovačka rijeka u Poduzetničkoj zoni Ularice“ isplaćen je iznos **55.032,03 KM** po osnovu Programa II.

Dana 19.05.2025. godine Ministarstvo za privredu Zeničko-dobojskog kantona zaprimilo je akt-„Zahtjev za produljenje roka za realiziranje Projekta i dostavu Izvještaja“, broj: 04-11-3700-14/24 (02-11-276/25) od 14.05.2025. godine od Općine Usora.

Dana 10.06.2025. godine Komisija je održala sastanak u prostorijama Ministarstva za privredu Zeničko-dobojskog kantona na kojem je razmotrila zaprimljeni akt o čemu je sastavljen Zapisnik, broj: 04-11-3700-14-1/24 i Izvještaj, broj: 04-11-3700-14-3/24. U predmetnom aktu navedeno je da je Općina Usora sa Ministarstvom potpisala Ugovor o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-14/24 kojim su regulisana međusobna prava i obaveze te način realizacije odobrenih sredstava u iznosu 55.032,03 KM za organizaciju i izgradnju Poslovne zone „Ularice“, a obuhvata „Izgradnju, modernizaciju i asfaltiranje propusta na potoku Alibegovačka rijeka u Poduzetničkoj zoni Ularice“ sa rokom za realizaciju i dostavu Izvještaja 30.06.2025. godine. Općina Usora je u svojoj prijavi tražila 100.000,00 KM za realizaciju predmetnog Projekta, međutim, shodno raspoloživim sredstvima odobren je iznos 55.032,03 KM te traženo od Općine da se izjasni da li prihvata navedeni iznos za realizaciju. Općina se saglasila da realizuje Projekat sa predmetnim iznosom i učešćem u finansiranju u iznosu 69.732,41 KM. Međutim, Općina nije bila u mogućnosti zatvoriti konstrukciju finansiranja pa se nisu ispunili uvjeti za početak projektnih aktivnosti i pokretanje postupka javne nabavke te su stoga tražili od Ministarstva produženje roka do 31.12.2025. godine.

Članom 4. stav (3) Ugovora propisano je da je rok za realizaciju Projekta i dostavu Izvještaja 30.06.2025. godine.

Članom 5. Ugovora propisano je da, ukoliko zbog opravdanih razloga Općina nije u mogućnosti ispoštovati rok za realizaciju Projekta iz člana 4. stav (3) Ugovora, dužna je o tome pismeno obavijestiti Ministarstvo najkasnije 10 (deset) dana prije isteka roka iz člana 4. stav (3) Ugovora i zatražiti produženje roka. Ukoliko Ministarstvo ocijeni da su razlozi koje je Općina obrazložila opravdani (neuspjeli pokušaji javnih nabavki, kašnjenje u realizaciji na koje Općina nije mogala uticati, itd.), pismeno će odobriti produženje roka, ali najduže do 3 (tri) mjeseca računajući od isteka roka iz člana 4. stav (3) Ugovora.

Komisija je na održanom sastanku razmotrila slijedeće:

- dana 19.05.2025. godine Općina Usora je pismeno obavijestila Ministarstvo da neće moći realizovati Projekat u skladu sa članom 5. stav (1) Ugovora,
- u predmetnom aktu Općina je obrazložila razlog zbog kojeg neće moći realizovati Projekat do 30.06.2025. godine (nedovoljno finansijskih sredstava),
- članom 5. stav (2) Ugovora regulisano je da se rok može produžiti najduže do 3 (tri) mjeseca računajući od isteka roka iz člana 4. stav (3) Ugovora odnosno najduže do

30.09.2025. godine te se ne može prihvatiti zahtjev Općine da se rok produži do 31.12.2025. godine.

Obzirom da je Općina Usora dana 19.05.2025. godine pismeno obavijestila Ministarstvo da neće moći realizovati Projekat u skladu sa članom 5. stav (1) Ugovora te na činjenicu da je obrazložila razloge zbog kojih neće moći realizovati Projekat do 30.06.2025. godine koji je Komisija ocijenila opravdanim, Komisija je u Zapisniku i Izvještaju predložila ministru Ministarstva za privredu Zeničko-dobojskog kantona potpisivanje Anexa na Ugovor o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-14/24 od 04.06.2024. godine, broj: 04-11-3700-14-2/24 od 10.06.2025. godine sa Općinom Usora kojim će se rok za realizaciju Projekta izmjeniti na 30.09.2025. godine.

Obzirom da je ministar Ministarstva za privredu Zeničko-dobojskog kantona prihvatio Zapisnik i Izvještaj Komisije, dana 10.06.2025. godine potpisan je Anex na Ugovor o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-14/24 od 04.06.2024. godine, broj: 04-11-3700-14-2/24 od 10.06.2025. godine između Ministarstva za privredu Zeničko-dobojskog kantona i Općine Usora kojim je izmjenjen rok za realizaciju Projekta i glasi „do 30.09.2025. godine“.

Dana 14.10.2025. godine Ministarstvo za privredu putem službenog e mail-a zaprimilo je akt-„Zahtjev za dostavu instrukcija za povrat sredstava“, broj: 02-11-583/25 od 14.10.2025. godine od Općine Usora.

Dana 15.10.2025. godine Komisija je razmotrila zaprimljeni akt o čemu je sastavljen Zapisnik, broj: 04-11-3700-25/24 i Izvještaj, broj: 04-11-3700-26/24. U predmetnom aktu navedeno je da su Općini Usora odobrena sredstva u iznosu 55.032,03 KM po osnovu Ugovora o regulisanju međusobnih obaveza i načina realizacije odobrenih sredstava za organizaciju i izgradnju poslovnih zona na području Zeničko-dobojskog kantona, broj: 04-11-3700-14/24 od 04.06.2024. godine za realizaciju Projekta “Izgradnja, modernizacija i asfaltiranje propusta na potoku Alibegovačka rijeka u Poduzetničkoj zoni Ularice”, da je Općina tražila 100.000,00 KM te budući da je dodjeljen manji iznos poticaja nije mogla osigurati preostali iznos za realizaciju Projekta i da obavještavaju Ministarstvo da će izvršiti povrat iznosa poticaja kada im se dostavi instrukcija o načinu povrata.

Komisija je na održanom sastanku razmotrila zaprimljeni akt od Općine Usora te predložila ministru Ministarstva za privredu Zeničko-dobojskog kantona slanje akta-„Instrukcije za povrat neutrošenih finansijskih sredstava“, broj: 04-11-3700-14-1/24 Općini Usora. Dana 16.10.2025. godine Općini Usora je poslat predmetni akt.

9. POTEŠKOĆE U REALIZACIJI PROJEKATA

Pri realizaciji Projekata, JLS su imale poteškoća u realizaciji svojih Projekata zbog neraspoloživosti dodatnih finansijskih sredstava, dugotrajnosti postupka javnih nabavki, nepovoljnih vremenskih prilika i dr.

10. ZAKLJUČAK

Ministarstvo za privredu je po osnovu Javnog poziva za prikupljanje zahtjeva za odobravanje i dodjelu finansijskih sredstava namijenjenih subvencioniranju troškova organizacije i izgradnje poslovnih zona na području Zeničko-dobojskog kantona i Odluke o

odobravanju i dodjeli sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona, broj: 02-11-8481/24 od 30.04.2024. godine, jedinicama lokalne samouprave odobrilo ukupan iznos 650.000,00 KM. Predmetni iznos je isplaćen sedam (7) jedinica lokalne samouprave za odobrene Projekte. Pet jedinica lokalne samouprave je uspješno realizovalo svoj Projekat te na taj način ispunilo svoje ugovorne obaveze. Jedna jedinica lokalne samouprave, do momenta izrade Informacije nije realizovala svoj Projekat, te će Ministarstvo, u slučaju eventualnog neispunjenja obaveza od strane jedinice lokalne samouprave, preduzeti sve zakonom propisane aktivnosti radi povrata neutrošenih finansijskih sredstava. Jedna jedinica lokalne samouprave do ostavljenog roka nije uopće realizovala svoj Projekat te je tražila instrukcije za povrat finansijskih sredstava.

Provođenjem Javnog poziva te realizacijom Projekata od strane jedinica lokalne samouprave uz potporu od strane Ministarstva za privredu Zeničko-dobojskog kantona, postignuti su mnogobrojni rezultati koji imaju direktan uticaj na poslovni ambijent na području Zeničko-dobojskog kantona. Kao segment poduzetničke infrastrukture, poslovne zone su važan instrument konkurentnosti u privlačenju stranih investicija, generiranju izvoza i novog zapošljavanja, a kao takve značajno participiraju u realizaciji ekonomskih ciljeva Zeničko-dobojskog kantona, Federacije BiH i Bosne i Hercegovine u cjelini te podizanju produktivnosti i efikasnosti, unapređenju tehnološkog nivoa proizvodnje i poduzetništva.

Broj: 04-11-3700-27/24
Zenica, 16.10.2025. godine

MINISTAR
Samir Šibonjić